



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj: 01-11.7-1269/2023 od 23.02.2023.godine, Ministarstvo privrede raspisuje

**JAVNI POZIV**  
**ZA ODABIR PRIVREDNIH DRUŠTAVA, OBRTRNIKA, TRGOVACA NA MALO (šifri osnovne djelatnosti 47.11 i 47.19), I FIZIČKIH LICA KOJA SU U PROCESU REGISTRACIJE NOVOG OBRTA, ZA SUFINANSIRANJE DIJELA DOPRINOSA ZA ZAPOŠLJAVANJA NOVIH RADNIKA I SUFINANSIRANJA DIJELA MINIMALNE NETO PLATE ZA RADNIKE KOJI SE VEĆ NALAZE U RADNOM ODNOSU KOD POSLODAVCA**

**I PREDMET I NAMJENA JAVNOG POZIVA**

Objavljuje se javni poziv za odabir privrednih društava, obrtnika, trgovaca na malo (šifri osnovne djelatnosti 47.11 i 47.19), fizičkih lica koja su u procesu registracije novog obrta, a kojima će se raspodijeliti finansijska sredstva za sufinansiranje dijela doprinosa za zapošljavanje novih radnika i za sufinansiranje dijela minimalne neto plate za radnike koji se već nalaze u radnom odnosu kod poslodavca, sa pozicije “Subvencije privatnim preduzećima i poduzetnicima - poticaj privredi” iz Budžeta Ministarstva privrede za 2023. godinu.

Sredstva za ovu namjenu rasporedit će se privrednim društvima i obrtnicima u skladu sa Odlukom Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj: 01-11.7-1269/2023 od 23.02.2023.godine sa pozicije Budžeta “Subvencije privatnim preduzećima i poduzetnicima - poticaj privredi”

**II OBLASTI KOJE ĆE SE SUFINANSIARTI**

**Sa pozicije “Subvencije privatnim preduzećima i poduzetnicima - poticaj privredi” sufinansirat će se:**

- a) privredna društva iz drvoprerađivačke industrije u iznosu do: 550.000,00 KM.
- b) privredna društva iz oblasti metalne industrije u iznosu do: 550.000,00 KM.
- c) privredna društva iz oblasti industrije tekstila, kože i obuće u iznosu do: 350.000,00 KM.
- d) privredna društva iz oblasti informacionih tehnologija - IT sektor u iznosu do: 150.000,00 KM.

e) privredna društva iz ostalih industrijskih grana i fizička lica koja obavljaju djelatnosti trgovine na malo i/ili trgovinskih usluga na malo registrovana kod nadležnog općinskog organa uprave za oblast trgovine šifri osnovne djelatnosti 47.11 i 47.19, u iznosu do: 550.000,00 KM.

f) sufinansiranje postojećih i osnivanje novih obrta u iznosu do: 380.000,00 KM.

### **III PRAVO NA PODNOŠENJE PRIJAVE NA JAVNI POZIV**

#### **1) Pravo na podnošenje prijave na javni poziv imaju:**

- a) privredna društva i obrtnici kao i fizička lica koja obavljaju djelatnosti trgovine na malo i/ili trgovinskih usluga na malo registrovana kod nadležnog općinskog organa uprave za oblast trgovine (šifre osnovne djelatnosti 47.11 i 47.19), a koji imaju sjedište na području Srednjobosanskog kantona;
- b) fizička lica koja se nalaze u procesu osnivanja novog obrta koja se nalaze na evidenciji nezaposlenih lica kod Službe za zapošljavanje Srednjobosanskog kantona na dan objave Javnog poziva i čije Rješenje o osnivanju datira u periodu trajanja Javnog poziva.

#### **2) Nemaju pravo na podnošenje prijave i učešća na javnom pozivu:**

- a) javna preduzeća, banke i druge finansijske organizacije, osiguravajuća društva, sportske kladionice, apoteke, privredna društva i obrtnici čija djelatnost obuhvata igre na sreću, javne institucije, javne ustanove, organi uprave, organi i jedinice lokalne samouprave, privredna društva čiji su žiro računi blokirani, privredna društva, obrtnici i svi drugi subjekti čija šifra osnovne djelatnosti obuhvata poljoprivredne djelatnosti, kafiće, restorane i druge ugostiteljske objekte šifri osnovne djelatnosti 56.10 i 56.30, hoteli, moteli i slični smještaji šifre osnovne djelatnosti 55.10, svi poslovni subjekti čija šifra osnovne djelatnosti obuhvata trgovinu izuzev fizičkih lica koja obavljaju djelatnosti trgovine i/ili trgovinskih usluga na malo na osnovu rješenja općinskog organa uprave nadležnog za oblast trgovine šifri osnovne djelatnosti 47.11 i 47.19.
- b) privredna društva koja su pod stečajem ili likvidacijom;
- c) privredna društva i obrtnici koji nisu dostavili izvještaj o implementaciji programa i rezultatima ostvarivanja programa po ranije dobivenim poticajnim sredstvima, i kojima od strane Ministarstva privrede nije prihvaćen izvještaj.
- d) privredna društva i obrtnici koji imaju dospjelih a neizmirenih obaveza prema Srednjobosanskom kantonu.
- e) privredna društva i obrtnici koji nisu izmirili obaveze po osnovu javnih prihoda ili nemaju potpisan sporazum o odgodi plaćanja zaključno sa 31.12.2022.godine.
- f) privredna društva i obrtnici koji ne plaćaju porezne obaveze ili nemaju potpisan sporazum o odgodi plaćanja, zaključno sa 31.12.2022.godine.

#### **IV SADRŽAJ PRIJAVE PRIVREDNIH DRUŠTAVA, POSTOJEĆIH OBRTRNIKA I TRGOVACA NA MALO**

Privredna društva i obrtnici kao i fizička lica koja obavljaju djelatnosti trgovine na malo i/ili trgovinskih usluga na malo registrovana kod nadležnog općinskog organa uprave za oblast trgovine (šifre osnovne djelatnosti 47.11 i 47.19) u prijavi na javni poziv obavezi su dostaviti:

1. Obrazac Zahtjeva za sufinansiranje br.6/23 sa pozicije "Subvencije privatnim preduzećima i poduzetnicima - poticaj privredi" za 2023. godinu (Obrazac se može preuzeti na web stranici Vlade SBK [www.sbk-ksb.gov.ba](http://www.sbk-ksb.gov.ba))

Obrazac zahtjeva treba da bude uredno popunjen sa svim traženim podacima, potpisan od strane odgovorne osobe i ovjeren vlastitim pečatom.

Ukoliko Obrazac Zahtjeva za sufinansiranje nije uredno popunjen, ovjeren i potpisan od odgovorne osobe, isti će se odbiti i neće biti predmet daljeg razmatranja Komisije. Uz obrazac Zahtjeva za sufinansiranje br. 6/23 privredna društva i obrtnici kao i fizička lica koja obavljaju djelatnosti trgovine na malo obavezni su dostaviti slijedeću originalnu dokumentaciju ili ovjerene kopije:

- a) Rješenje iz sudskog registra sa svim pojedinačnim priložima, a za obrtnike i trgovce na malo Rješenje o registraciji nadležnog općinskog organa uprave.
- b) Uvjerenja o poreznoj registraciji (identifikacijski broj: ID broj) .
- c) Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu).
- d) Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (s podacima o broju prijavljenih radnika-listom zaposlenih radnika).
- e) Uvjerenje o izmirenim indirektnim porezima ili potpisan sporazum o odgodi plaćanja za obveznike poreza na dodanu vrijednost (subjekti koji nisu obveznici poreza na dodanu vrijednost obavezni su dostaviti vlastitu izjavu da ne potpadaju pod navedenu obavezu).
- f) Obavjest o razvrstavanju subjekata prema djelatnosti Federalnog zavoda za statistiku.
- g) Uvjerenje nadležnog suda da subjekt nije pod stečajem ili pred likvidacijom (samo za privredna društva).
- h) Potvrdu banke o otvorenom transakcijskom računu
- i) Potpisanu i ovjerenu izjavu o namjenskom korištenju sredstava iz priloga javnog poziva. (ovjerenu od strane općine ili notara).
- j) Potpisanu i ovjerenu izjavu da nisu korisnici finansijskih sredstava za sufinansiranje doprinosa za nove radnike od strane drugih organa uprave, upravnih organizacija i zavoda sa područja Federacije Bosne i Hercegovine (samo za one subjekte koji podnose prijavu za zapošljavanje novih radnika).

Privredna društva i obrtnici u okviru jedne prijave mogu aplicirati i ostvariti pravo za sufinansiranje doprinosa za novo upošljavanje, kao i za sufinansiranje dijela minimalne neto plate za radnike koji se već nalaze u radnom odnosu kod poslodavca.

Prijave koje ne sadrže potrebnu dokumentaciju, bit će odbijene i neće biti predmet daljeg razmatranja Komisije. Sve dostavljene kopije moraju biti ovjerene od nadležnih organa. Sva priložena dokumenta moraju biti izdana od strane nadležnih sudskih ili upravnih organa u FBiH i ne mogu biti starija od 3 mjeseca od dana objavljivanja ovog poziva osim dokumentacije iz tački a, b, c. U suprotnom kompletan zahtjev bit će odbijen i neće biti predmet daljnjeg razmatranja. Sva dokumentacija tražena javnim pozivom mora biti prikladno uvezana u cjelinu logičkim redom (prema popisu dostavljenih dokumenata).

Preliminarni rezultati Javnog poziva tj. spisak subjekata koji ispunjavaju, kao i subjekata koji ne ispunjavaju uslove objavljuju se na web stranici Vlade Srednjobosanskog kantona, radi eventualnog ulaganja prigovora na iste.

Prigovori se dostavljaju Ministarstvu privrede putem pošte u roku od pet dana, od dana objave Preliminarne liste.

Prigovor je moguće podnijeti radi pogrešno utvrđenog činjeničnog stanja u pogledu tražene i dostavljene dokumentacije propisane Javnim pozivom i radi pogrešno utvrđenog činjeničnog stanja u pogledu utvrđenog broja bodova.

Konačna Odluka o izboru korisnika podsticajnih sredstava objavljuje se na web stranici Vlade SBK i Službenim novinama Srednjobosanskog kantona.

## **V SADRŽAJ PRIJAVE FIZIČKIH LICA KOJA SU U PROCESU REGISTRACIJE NOVOG OBRTA**

Fizička lica koja su u procesu registracije novog obrta u prijavi na javni poziv obavezni su dostaviti:

Obrazac Zahtjeva za sufinansiranje br.7/23 za fizička lica koja su u procesu registracije novog obrta.

Uz obrazac Zahtjeva za sufinansiranje br. 7/23 fizička lica koja su u procesu registracije novog obrta obavezni su dostaviti slijedeću dokumentaciju:

- a) Kopiju Rješenja o registraciji obrta datiranu u periodu trajanja Javnog poziva ovjerenu od strane općine ili notara.
- b) Potpisanu izjavu o namjenskom korištenju sredstava ovjerenu od strane općine ili notara.
- c) Potvrdu da su bili prijavljeni na evidenciji Službe za zapošljavanje prije registracije obrta.
- d) Potpisanu i ovjerenu izjavu da nisu korisnici finansijskih sredstava za sufinansiranje doprinosa od strane drugih organa uprave, upravnih organizacija i zavoda sa područja Federacije Bosne i Hercegovine.

## **VI KRITERIJI ZA OCJENU PRIJAVE I IZBOR KORISNIKA**

- 1) Finansijska sredstava iz tačke II Javnog poziva rasporedit će se:
  - privrednim društvima i obrtnicima za sufinansiranje doprinosa za novouposlene radnike koji se nalaze na evidenciji Službe za zapošljavanje SBK prije objave ovog javnog poziva za period od 12 mjeseci u maksimalnom mjesečnom iznosu do 500,00 KM za sve industrijske grane, shodno dokazu o visini bruto plate za novouposlenog, odnosno do 300,00 KM za industriju tekstila, kože i obuče, ostalih industrijskih grana i trgovine na malo, obrta, tradicionalnih esnafskih zanata, a shodno dokazu o visini bruto plate za novouposlenog, s tim da obrtnici, kao i fizička

lica koja obavljaju djelatnost trgovine na malo, koji imaju do jednog postojećeg radnika, mogu ostvariti pravo do jednog novouposlenog radnika, obrtnici i privredna društva koje ima od dva do pet uposlenih radnika, mogu ostvariti pravo do jednog novouposlenog radnika, obrtnici i privredna društva koji imaju od pet do deset postojećih radnika, mogu ostvariti pravo do dva novouposlena radnika, obrtnici i privredna društva koji imaju od deset do dvadeset postojećih radnika, do tri novouposlena radnika, obrtnici i privredna društva koji imaju od dvadeset do pedeset postojećih radnika, do četiri novouposlena radnika, obrtnici i privredna društva koji imaju od pedeset do stotinu postojećih radnika, do pet novouposlenih radnika, privredna društva koja imaju preko stotinu postojećih radnika, do deset novouposlenih radnika.

- za sufinansiranje troškova doprinosa za fizička lica koja su u procesu registracije obrta za period od 12 mjeseci u mjesečnom iznosu doprinosa na jednu najnižu neto platu.
  - za sufinansiranje dijela minimalne jedne neto plate za radnike koji se već nalaze u radnom odnosu kod poslodavca u maksimalnom iznosu do 75 % minimalne neto plate u Federaciji Bosne i Hercegovine po uposlenom radniku.
- 2) Iz sredstava za svaku od oblasti iz tačke II Javnog poziva prioritetno će se obračunavati iznosi transfer sredstava po prijavama za novo upošljavanje, a u oblasti obrtništva za sufinansiranje troškova doprinosa za fizička lica koja su u procesu registracije obrta, te za novo upošljavanje u postojećim obrtima, a preostala sredstava za sufinansiranje dijela minimalne neto plate za postojeće usposlene radnike.
  - 3) Privredna društva i obrtnici mogu ostvariti pravo na sufinansiranje novog upošljavanja samo za one radnike za koje nisu ostvarili pravo po istom osnovu od strane drugih organa uprave, upravnih organizacija i zavoda sa područja Federacije Bosne i Hercegovine.

## **VII POTPISIVANJE UGOVORA O IMPLEMENTACIJI ODOBRENIH SREDSTAVA I NAČIN OSTVARIVANJA PRAVA NA SUFINANSIRANJE**

- 1) Sa korisnicima sredstava kojima se Odlukom Vlade raspodijele finansijska sredstva Ministarstvo privrede zaključit će ugovore o implementaciji ostvarenih prava za sufinansiranje novog zapošljavanja, sufinansiranje troškova doprinosa za fizička lica koja su u procesu registracije obrta, kao i ugovore za sufinansiranje dijela minimalne neto plate za postojeće usposlene radnike u zavisnosti od ostvarenih prava.
- 2) Privredna društva i obrtnici kojima se Odlukom Vlade rasporede finansijska sredstva za sufinansiranje zapošljavanja novih radnika ostvarit će pravo na sufinansiranje nakon prijave zapošljavanja radnika kod Porezne uprave i dostavljanja dokaza Ministarstvu privrede Srednjobosanskog kantona.
- 3) Ministarstvo privrede neće prihvatiti kao dokaz prijavne obrasce za nove radnike koji su zaposleni prije objave ovog javnog poziva.
- 4) Krajnji rok za dostavljanje dokaza o prijavi zapošljavanja novog radnika je 31.10.2023.godine.

- 5) Privredna društva i obrtnici obavezni su zadržati radnika za kojeg je ostvareno pravo na sufinansiranje novog zapošljavanja u periodu od najmanje 12. mjeseci od dana prijave istog kod Porezne uprave.
- 6) Fizička lica koja se nalaze u procesu registracije obrta, a kojima se Odlukom Vlade rasporede finansijska sredstva za sufinansiranje doprinosa ostvarit će pravo na sufinansiranje nakon dostavljanja Uvjerenja o registraciji poreznog obveznika (Obrazca JS 3100).
- 7) Transferiranje finansijskih sredstava iz prethodnih stavova vršit će se kumulativno po potpisanim ugovorima i ispunjenim ugovorenim obavezama.

## **VIII OBAVEZE KORISNIKA SREDSTAVA**

### **Korisnici sredstava imaju sljedeće obaveze i odgovornosti:**

- 1) Da dodjeljena sredstva koriste namjenski u skladu sa Odlukom Vlade o usvajanju Programa korištenja sredstava, Javnim pozivom, Odlukom Vlade o raspodjeli finansijskih sredstava i Ugovorom o implementaciji odobrenih sredstava.
- 2) Da se pridržavaju svih rokova iz Odluke Vlade o usvajanju Programa korištenja sredstava, Javnog poziva, Odluke Vlade o raspodjeli finansijskih sredstava i Ugovora o implementaciji odobrenih sredstava.
- 3) Da u skladu sa Odlukom Vlade o usvajanju Programa korištenja sredstava, Javnim pozivom, Odlukom Vlade o raspodjeli finansijskih sredstava i Ugovorom o implementaciji odobrenih sredstava dostave Izvještaj o utrošku finansijskih sredstava Ministarstvu privrede Srednjobosanskog kantona.

## **IX NADZOR NAD KORIŠTENJEM FINANSIJSKIH SREDSTAVA**

- 1) Korisnici sredstava obavezni su dodijeljena sredstva koristiti namjenski i dužni su dostaviti Izvještaj o utrošku budžetskih sredstava po propisanom obrascu "Izvještaj po Javnom pozivu o utrošku sredstava."
- 2) Ukoliko se utvrdi da je korisnik sredstava nenamjenski utrošio sredstva, korisnik sredstava dužan je izvršiti povrat cjelokupnog iznosa doznačenih sredstava na račun Vlade Srednjobosanskog kantona u roku od 30 dana kada je Ministarstvo privrede pisanim putem to od njega zatražilo. U suprotnom pokrenut će se postupak pred nadležnim organima protiv korisnika sredstava koji nije opravdao doznačena sredstva.
- 3) Ukoliko korisnik sredstava nije utrošio cjelokupan iznos doznačenih sredstava za realizaciju odobrenog zahtjeva, dužan je izvršiti povrat neutrošenih sredstava uplatom istih na račun Vlade Srednjobosanskog kantona u roku od 30 dana od dana završetka projekta uz obrazloženje.
- 4) Sredstva za sufinansiranje novog zapošljavanja bit će transferirana kumulativno po potpisivanju ugovora o implementaciji odobrenih sredstava.

## **X PREUZIMANJE POTREBNE DOKUMENTACIJE**

Potrebna dokumentacija za učešće na Javnom pozivu tj. obrazci Zahtjeva za sufinansiranje sa pozicije "Subvencije privatnim preduzećima i poduzetnicima - poticaji privredi" br. 6/23 i 7/23 nalaze se u prilogu ovog Javnog poziva i može se preuzeti elektronskim putem sa web stranice Vlade SBK [www.sbk-ksb.gov.ba](http://www.sbk-ksb.gov.ba)

## **XI PODNOŠENJE PRIJAVE**

Prijave sa odgovarajućom dokumentacijom, dostavljaju se lično na protokol Vlade Srednjobosanskog kantona u zapečaćenim kovertama ili preporučeno poštom na adresu: **Ministarstvo privrede Srednjobosanskog kantona, ul. Stanična 43, 72270 Travnik sa naznakom: „NE OTVARATI - po javnom pozivu za odabir privrednih društava, obrtnika, trgovaca na malo i fizičkih lica koja su u procesu registracije novog obrta.“**

Rok za dostavljanje prijave je 20 (dvadeset) dana od dana objave javnog poziva u dnevnim novinama i web stranici Vlade Srednjobosanskog kantona.

Nepotpune, neblagovremene i neuredne prijave neće biti razmatrane.

## **XII TROŠKOVI PO JAVNOM POZIVU**

U postupku po Javnom pozivu Ministarstvo ne snosi nikakve troškove učesnicima Javnog poziva, te zadržava pravo da poništi Javni poziv, ili da odbaci sve prijave, u bilo koje vrijeme prije zaključenja ugovora.

Dostavljena dokumentacija neće se vraćati.

## **XIII OSTALE ODREDBE**

Sa privrednim društvima i obrtnicima kojima se rasporede finansijska sredstava Ministarstvo privrede će potpisati Ugovor o implementaciji odobrenih sredstava, kojim će biti preciziran način i dinamika korištenja sredstava, te nadzor nad trošenjem istih u namijenjene svrhe. Sve dodatne informacije vezane za javni poziv mogu se dobiti svakim radnim danom putem telefona broj: 030/ 511 - 217 od 9,00 do 12,00 sati.

### **U prilogu javnog poziva nalaze se:**

- 1) Obrazac Zahtjeva za privredna društva, postojeće obrtnike kao i fizička lica koja obavljaju djelatnosti trgovine na malo registrovana kod nadležnog općinskog organa uprave za oblast trgovine šifre osnovne djelatnosti 47.11 i 47.19, za sufinansiranje sa pozicije "Subvencije privatnim preduzećima i poduzetnicima-poticaaj privredi" br. 6/23 koji je potrebno popuniti u cjelini, uredno sa svim navedenim elementima, i isti dostaviti u prijavi na javni poziv.
- 2) Obrazac Zahtjeva za fizička lica koja se nalaze u procesu osnivanja novog obrta br. 7/23 koji je potrebno popuniti u cjelini, uredno sa svim navedenim elementima, i isti dostaviti u prijavi na javni poziv.
- 3) Izjava o namjenskom korištenju finansijskih sredstava.